

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18



A lla 'mpete

Cci bbulia 'bbegnu cu ttie

a lla 'mpete

a mmenzu 'e stelle

quandu 'a luna

se 'nfàccia ripa ripa a llu pansieri

ogne ssira

rricamata su' llu core

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

A lla 'mpete

'ncaddarati te culori e

dde marisci

strapassati te ricordi e

dd'armunie

mmiscati

fra lu 'ndoru te l'ulie

a lli misteri te bbrufumu

te menta e petrusinu

Tùtici poisie (in dialetto di Parabita)

Scritto da Giuseppe Greco (poeta)

Venerdì 24 Dicembre 2010 09:18

quandu ne cchiamu

quandu ca nci simu

A lla 'mpete

cu ccarisciamu 'llecrie senza pisu

nu sonnu te ricali e

dd'emozzioni

t'ogni jaggiu

'ncuddhratu mentru mmoi

all'ùrtimi ssanducchi

sull'àsciucu

a lla 'mpete

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

E nu ssapimu

ci 'u teatru mòscia

fra lanterne cantinelle e

ccraticciate

quarche ulu te cumete

perze e zate

comu litratti

t'addhri tempi e

d'addhri 'nfanni

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

Veni e 'llucisci sule

le nuveje e

'mpija maravije

susu ll'onde te mmane

intr'a muttura

e ppoi la sira

prima t'u Rusariu

Cci 'bbulia bbegnu cu ttie

a lla 'mpete

a mmenzu 'e stelle

quandu 'a luna

se 'nfaccia

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

ripa ripa a llu pansieri

ogne ssira

rricamata su' llu core

Te osci

ticinnove novembre.

(19.11.2001 h. 18,38)

‘A luna jeu tie l’addhri e lle cose

I

‘A luna jeu tie l’addhri e lle cose

la terra e llu mare

cu lli maluni ‘perti ‘ssusu ‘a banca

e ccu ‘nna rosa tisa intr’a nnu calu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

russa prasciata sula comu ll'addhre

luntane pe' nnu bballu te lu core

II

rricali su' 'sta terra

cadda te sule e ccanti te cicale

III

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

Cuncertu te silenzi e dde ruvezzi

IV

Marisci 'nsiddhrisciati te palore

titte 'ntise a nnui

t'ogni ppansieri

'mmiratu intr'u teatru a ccantinelle

zate ricurdate

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

te chianti e dde 'llecria vasate

V

comu tanti ggirasoli

ca se 'mmùtene a llu sole

VI

E ppoi li russi 'nterra

intr'a lla terra russa

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

'ssutta ll'àrbuli t'ulìe

crutte te speranza

'rrustuti te sciarocchi e bbrofumati

te l'argentu te la luna

VII

Comu méndule culumbi e ccalarise

e ppire e bbruni e ssite

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

e nnui fuscendu

cantandu intr'a carrara

VIII

'u coppu comu conca t'acqua chiara

pe cci' se 'mmira o ci'

se mmoddhra 'i musi

pe' 'n'addhru jàggiu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

IX

Puru 'i cardilli sguàriene cu nnui

e nnui ne canuscimu comu iddhri

bballandu 'mmenzu 'll'ària intr'i culori

t'gni ricordu rripa ripa 'mmare

X

l'acqua te cisa' quale pardunu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

se manìscia cu ttuppa su' lli scoji

e ppoi cu ttorna 'rretu a bbane e bbeni

comu palore comu cose e ssoni

XI

E unu comu l'addhru

comu scemme o fiuri

quandu 'u jentu ondulìscia li culori

e scasa 'nciarfisciandu maravije

te muttura

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

XII

A ddhrai bbabbate luci janche janche

te luna nova catuta 'mmenzu 'nnui

XIII

'A luna jeu tie l'addhri e lle cose

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

la terra e llu mare

XIV

E rripìja lu jàggiu n'addhra fiata

caracati t'ogni 'ncantu intr'i misteri

te tanta Luce nui

nu nne fitamu

mancu 'rrifiatamu

àngili cchiu' ddhrai te crai te jeri

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

pittati su' ppresepi te murteddhra

pe' 'nn'addhra luna a nnui sempre cchiu'

bbeddhra

XV

Mmasura mmasura le stelle

ccumenza ccumenza cu ppitti

raccoji le cose cchiu' bbelle

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

te petre t'i canti

t'i rucchi

t'u mare t'i fiuri t'u core

'nturtija pansieri e ssanducchi

mmanéscia 'na storia t'amore.

(28.07.2002 h.7,53)

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

Certu

Quandu m'intene 'e curiere

pe' lla luna

ne facimu 'u bijettu

'na settimana prima

Poi ne ccattamu 'na camicetta

a fiuri

e ne vastimu t'àrbuli te pignu

te ddhra' ssusu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

pensu ca se scopre tuttu fiche e

maluni e àrbuli te mendula

'e barche a mmare

cu lle lampare tutte ddumate

E ttutti quiddhri ca vane 'mmuntunati

secutandu cumete

cantandu ogni tantu canzune nove

Certu

nc'è 'tte rraoti

ca se chiute 'u sipariu e ca forsi

sulu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

ttocca 'nde porti

'e segge.

(05.07.1981)

Cumete

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

I

Himu vistu ulare

tante cumete

culori culori

cumete

t'ogni giurnu

A ssusu ll'àrbuli erti

a ssusu 'e case

Purtane a 'ngiru

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

pansieri

te cacchiamme

te sbreje e dde lumini

te notti

te giurni longhi

te misi sani sani

t'acqua e dde sutore

te cose titte e ntise

te palore

cumete

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

comu pàmpene te fiche

ca càtene bbabbate

quandu 'ncora

sta bàllene turmendo

cumete viste a 'nsonnu

a occhi 'perti

'mparàte e riscurdate

vicine comu 'nzàlichì te via

luntane intr" a pinneddhri e tele

'ncuddhrate a lli culori e canti

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

te amori vecchi e

novi

Il

Pansieri

'ttaccati a llu filu

Cumete all'aria 'perta

intr'a nuveje janche

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

'nsiddhrisciate

te sule

te sira e dde matina

ci s'aza 'u jentu

le 'mmisca a lli cardilli

e tìrene cchiu' fforte

- te scàppene te manu -

poi le ripiji e ddane

capuzzate

'rreutate

sbàttene le cute

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

a catineddhra

e ttie te presci e poi

ne 'llenti 'a corda e

bbane

cchiu' ssusu te

le stelle

III

Sciati cumete

Tùtici poisie (in dialetto di Parabita)

Scritto da Giuseppe Greco (poeta)

Venerdì 24 Dicembre 2010 09:18

'nturtijiate te palore

pittate cu lla penna

e cu llu core

Sciati

e nu' pansati a nnui

ca stamu su' 'sta terra

ricamandu

sciurnate

te petre 'ntiche

finchettantu

nu' 'nne 'mmùtene

te nùmiri scazati

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

Sciati

all'aria

'ui

nu' 'nci pansati!

(24 Agosto 1984)

Marìsciu te Natale

'A luna comu 'u sole tante fiate

se manìscia

cu sse mmasura sula

a mmenzu 'ttante stelle

sparpajate cusì

oltre ogni 'ndoru

te luci te lanterne

'mpise susu susu a ccraticciate

intr'a tteatri 'perti intr'a nnui

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

'na fiata l'annu

Tie

a mmanu 'na francata te culori

cu ppitti maravije

'ncartate

comu ricali

pe' nnui

ca ddisegnamu ùli te cumete e

nne prasciamu

a rretu 'lli Re Mmaggi

manu cu mmanu mentru

'a luna

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

ne ùnge tutt'e sire te misteri

te luce janca janca.

(26.12.03 h. 15,12)

‘Na luna pittata te russu e dde blu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

'Na luna pittata te rüssu e dde bblu

pintisciata te giallu e dde jancu

'mpisa a llu spacu

'u mare celeste leggeru

te celu celeste leggeru

'i rizzi 'u limone e lle cozze

'u purpu lu casu e llu pane

'micìzia te gente luntana

com'ogni pansieri scunchiusu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

te musì pittati te jaggi

cu llù spècchiu lassatu 'ddhra ffore

facciffrunte a lla torre sgarrata

'na cumeta pansata prasciata

benatitta a llù jentu te moi.

(15.04.09 – h. 20,21)

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

Sciòscia

Nu mme ddummandare mie

ca 'ncora portu

traìni te maravije

'A vita

ne 'llucisce

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

misteri te culori

te tanti jaggi

cu lli stessi fazzuletti

li sbaji, le bbuscie

le friseddhre te 'na sira

caracate te rienu 'nnanzi 'mmare

pittandu àngili e

buttije

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

Ci sa' cu ppensi 'ncora ca la luna

'ntornisciata te stelle tutt'e sire

bbabba

a 'nnanzi 'u sule

ca la dduma raccoji

matreperle te pansieri

e mmìnele a ll'u jentu

comu sempre

sciòscia.

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

(14.7.1996 h.18,57)

Te celu sta ccate intr'a mmare

Te celu sta ccate intr'a mmare

'na luce brillante spacchiùsa

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

'u jentu 'ncarizza 'na barca

luntana prasciàta scurnusa

e ss'aza te costi nu sciocu

te 'ndori te menta e dd'ulie

'e pacce scaliscene l'aria

e llu core ssammutta t'amore

se scunde intr'a neja 'u culore

te l'àngili 'mpisi a llu spacu

'e crape ssattate a ddoi ddoi

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

'u musciu nu sìcchiu e ll'u lupu

'u craparu ca canta canzune

te paru a lli sonni sunnati

n'addhr'ulu te ppansieri scijatu

santu Roccu intr'u nnìcchiu a lle macche

'e sarmente 'ttaccate la sira

'e ramaje mmuddhrate te mmane

ognetunu se vasa lu giurnu

pe' rricalu e pposie 'ncantate

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

addhre palore 'ssusu 'a colonnetta.

(07.02.06 – h. 13,29)

To' francate

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

To' francate te pasta

to' francate te luna

to' francate te celu

pe' ttie

ca cusi scusi sciurnate

'mpise a llu jaggiu

comu sira 'llucisciuta a lle stelle

to' francate te luce

intr'a luce t'u scuru

intr'i culori t'u core

intr'a mmare ogni giurnu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

to' francate t'amore.

(10.2.2002 h. 00,16)

'U celu crìggiu

Tùtici poisie (in dialetto di Parabita)

Scritto da Giuseppe Greco (poeta)

Venerdì 24 Dicembre 2010 09:18

'U celu crìggiu è ccomu 'e matreperle

se vite cchiui te jernu quandu 'u verde

te l'àrbuli t'ulie ete cchiu' vverde

e cquandu 'u celu crìggiu

se strazza 'ssutta 'mmare

e dduma tanti russi e ggialli e rrosa

ddisegna le nuveje vacabbonde

nui fuscimu a ssusu 'i monti erti

cu bbitimu 'i quatri t'u Signore

e nne 'nguacchiamu te luce te tanta luce

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

a lla nchianata

ma a ttie ci nu tte piace

'u celu criggiu

pija t'intr'a 'ttie

nu picca te celeste e

ddani 'na llappata.

(1999)

'U specchiu sape

T'ha' 'mpizzata a mmenzu mmenzu

'i musì 'ncaddarati te russettu

e ll'occhi blu

a 'nfacce 'na manu te 'mbiancata te

cìpria colurata

Si' tantu beddhra

a' sscire cu tte mmàscari a ddhru motu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

'Mpisi 'i ricchini t'oru a 'mpiettu

matreperle russe e ggialle

fiuri a 'ncapu

intr'i capiddhri a toppu

Però nu ssinti tie a mmenzu 'a via

Quandu a lla mmane t'azi

'u specchiu sape

te viti cchiu' lluntana te lu jeri

e tte 'mpauri ca lu tiempu fusce

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

Poi ci te quardi intr'a te tie

te senti bbeddhra

e llu core te pitta te 'llecrie

te ssetti 'rricami

cu ttutti to' mani.

(07.07.83)

Ulìa 'bballu cu ttie

Ulìa 'bballu cu ttie 'na vèspara 'na sira

'na pizzicheddhra ripa ripa 'mmare

cu llù silenziu tuttu intr'a 'nna fiata

Nu stianu russu mentru 'ssutta 'i peti

'na camicetta janca rricamata

te pizzu trapanata

te luce te tramontu

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

e lli capiddhri tutti 'nturtijati ca

ùlene scijati

comu ddhre zacareddhre

'ttaccate su lla frunte. Tie

te mmischi a lle palore

a lle canzune a llu jentu scasatu ca

'nciarfiscia a

nfacce 'nnu tamburreddhru

E ss'àzene emozzioni t'intra intra

t'intr'a 'llu core su' llu nzalacatu

cu 'nnu chiasciune 'nterra

bbeddhra tie

Tùtici poisie (in dialetto di Parabita)

Scritto da Giuseppe Greco (poeta)
Venerdì 24 Dicembre 2010 09:18

ci t'acchi comu scemma ca llucisce

comu ampa ca ddarlampa comu mare

ca ttuppa su' lli scoji jancu ertu

e ttorna e 'mpija

misteri te cumete

jat'a ttie.

(06.06.04 h. 19,49)